



Inatsisartuni ilaasortaq Jess Svane, Siumut
/maani

**BSU-mit taarsigassarsilluni illuliat pillugit § 37 naapertorlugu apeqquteqaammut
2018-312-imut akissut**

17-01-2019
Suliaq normu: 2018-26109
Id normu: 36377462

Asasara Jess Svane,

Inatsisartut suleriaasianni § 37 naapertorlugu apeqquteqaatinut nassiussannut qujanaq.
Apeqqutit matuma kinguliani ataasiakkaarlugit allanneqarput, akissummillu
malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**Apeqqut 1: BSU kap.II aqqutigalugu illoqarneq ukiorpassuarnilu illu
akilersoreerlugu utoqqangornermi allamut nuuttariaqalernermi sooruna illu
akilersuinerlu kinguaanut nangiinnartussanngorlugit
ingerlateqqiinnarneqarsinnaasannngitsut?**

AKISSUT: Kapitali 2-mi aqqissuussineq atorunnaarsimavoq, tassungalu
Inissialiornermut, illunut ataatsimoorussanut, illuliassanut il.il. tapersiissuteqartarnek
pillugu Inatsisartut peqqussutaat nr. 11, 19. november 2007-imeersoq
taartigitinneqarpoq.

BSU-mit taarsigassarsilluni illuliornermut taarsigassarsiat akilerneqanngitsunik
akiitsoqarfigineqanngikkunik tunniunneqarsinnaapput, taakkunungalu sillimmasiissutit
ilaapput.

Kingornussisussat Inatsisartut peqqussutaanni nr. 11, 19. november 2007-imeersumi
ilaatigut § 34-mi, piumasaqaatinik naammassinnissimagunik taarsigassarsiat
tignissaannut periarfissaqarput.

Illup tiguneqannginnerani piumasaqaatit uku naammassineqarsimasussaapput:

- illumik piginnittunngortut taarsigassarsianut akiliisinnaassapput
- illumik piginnittunngortut illumut sillimmasiissummut akiliisinnaassapput
- illumik piginnittunngortut illu aalajangersimasumik najugaqarfittut atussavaat
- illumik piginnittunngortut illumik BSU-mit taarsigassarsilluni illuliamik
taarsigassarsiaqarfiusumik allamik pigisaqassanngillat.

**Apeqqut 2: BSU kap. II, imaluunniit Sanaqateqarluni illuutitaarisimasat aammalu
piginneqatigiinnikkut illorisat utoqqalinerlu pissutaalluni allamut
nuuttariaqalersimalluni akilersuineq kinguaanut nagingneqaannartussanngorlugu
tunniunneqarsinnaanera kingornutassanngortinneqarsinnaaneralu
Naalakkersuisut misissorusinnaavaat?**

AKISSUT: Kapitali 2, kingusinnerusukkullu inissialiornermut, illunut ataatsimoorussanut,
illuliassanut il.il. tapersiissuteqartarnek pillugu Inatsisartut peqqussutaat nr. 11, 19.

November 2007-imeersumi kapitali 4 naapertorlugu taarsigassarsianut tunngatillugu piunasaqaatit allannngortinnagit piginnittut nikissinnaapput.

Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersumi § 20 naapertorlugu piginnittut nikinneranni taarsigassarsiat akiligassannngortinneqassannngillat

- taarsigassarsisumiit tassunga aappaasumut inooqataasumulluunniit, imaluunniit
- taarsigassarsisumiit taarsigassarsisup toqukkut qimagunnerani kingornussisussamut.

Aamma piginneqatigiilluni inissiat pillugit Inatsisartut inatsisaat nr. 33, 23. november 2017-imeersumi § 69 naapertorlugu aappaasoq qimagaasoq piginneqataassutsinik tunniussinissamut periarfissaqarpoq. Aamma inuit, ukiuni marlunni kingullerni piginneqataasumut inisimasuusutut inuit nalunaarsorsimaffianni allatsissimasut taamatut periarfissaqarput. Taamatuttaaq piginneqatigiilluni inissianut inatsit malillugu piginneqataasoq utoqqaat angerlarsimaffiannut assigisaanulluunniit nuuppat, piginneqataassutit inunnu matuma siuliani taaneqartunut tunniunneqarnissaat periarfissaqartinneqarpoq.

Apeqqu 3: Nammineerluni Aningaaserivik taarsigassarsititsiviilluunniit allat aqquutigalugit illutaarsimagaanni utoqqalinermi akiliisinnaassuseerutipajaarnermi arsaaginnarneqarsinnaanerup killiliivigineqarsinnaanera Naalakkersuisut suliarisinnaanerpaat?

AKISSUT: Matumani nammineerluni taarsigassarsiat, taarsigassarsisup nammineerluni isumaqatigiissuteqarfigisimasai pineqarput. Naalakkersuisut suliamik tigusinissaannut inatsisitigut tunngavissaqanngilaq. Kisiannili piunasaqaatit naammassineqarsimappata akiitsunik isumakkeerinissamut qinnuteqarsinnaaneq periarfissaavoq, tamatumunnga piunasaqaatit uani takuneqarsinnaapput: www.domstol.gl.

Apeqqu 4: Nammineq pigiligassatut illutaarsimatilluni ukiorpassuarnilu pigileriaruaarlugu akilersuisimalluni, ajoraluartumillu nappaassuarmik eqqorneqarluni pilersuisinnaaneq killeqalerluni, suliffeerunnikkut pilersueqatigisalluunniit toqukkut qimagunneratigut inigisamik annaasaqartarnerit pinngittoorniarlugit Naalakkersuisut suliniuteqarniarnerlutik?

AKISSUT: Apeqqu 3-mut akissuteqaat takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen